

Den un relato basta amplio:

Director di RDA ta splica pakico refineria di Aruba ta importante pa Venezuela y pa nos pais

ORANJESTAD (AAN)-- Señor Alvin Koolman a referi na e eleccion na Venezuela, unda cu Nicolas Maduro a posesiona su mes como presidente, locual a wordo condena mundialmente.

Di otro banda Asamblea Nacional a nombra sr. Juan Guaido como presidente interino pa yama eleccionnan democratico, y el a bisa cu e proceso aki lo wordo haci den un gobierno di transicion, pero specialmente pa salvaguardia e placa necesario pa e futuro di e gobierno nobo.

Hunto cu esaki, Merca a anuncia sancionnan mas cu dos siman pasa, unda e ta bisa cu tur placa procedente di loke e companianan cu ta bende manera Valero, Chevron y Citgo Petroleum, mester bay den un "block account".

Esey ta haci cu nada ta bay bek Venezuela. Door di esaki, sr. Koolman a expresa, a lo largo lo forza e regimen di Maduro wak kico e ta bay haci, posiblemente sea sali of bay negocia cu Guaido,



pa loke ta e parti politico. El a agrega cu den e aspectonan tecnico y operacional, esey ta haci cu Citgo por sigui opera, y si sigui haya crudo Venezolano e mester pague den un "block account" y si e sigui procesa otro crudo cu no ta Venezolano, e placa cu e gana tambe mester deposita den un cuenta blokea.

CON A RESTRUCTURA CITGO ARUBA?

"Tempo cu nos a negocia na 2015-2016, pero vooral 2015, e plan tabata pa pone Citgo Aruba bao Citgo Petroleum. Pero na 2015 caba Citgo Petroleum a laga sa cu institucionan financiero

no por pone un burden financiero extra bao Citgo Petroleum pasobra tur su ganashi y su cosnan a wordo caba door di bonus cu nan mester a saca pa PDVSA na Venezuela", sr. Koolman a splica.

El a sigui bisa cu institucionan financiero a expresa cu si esey ta asina, Citgo Aruba no por cay bao Citgo Petroleum. Esey a haci cu Citgo Aruba a cay bao di PDVSA Holding.

"PDVSA Holding ta un compania di Delaware, cu ta doño di Citgo Petroleum Holding, cu na su turno ta doño di henter e grupo di Citgo Petroleum Refinery,

cu tin tur e accionnan di Citgo Petroleum Company. Hunto cune tin Citgo Aruba Holding, cu tambe ta un compania Mericano, cu ta doño di Citgo Aruba Refinery y Citgo Aruba Terminal", Koolman a relata.

E director di RDA a indica cu e sancionnan di aña 2017 a haci cu por a keda manifesta y opera e refineria di Aruba pasobra tur ta cay bao Citgo Aruba Holding cu ta di PDVSA Holding.

Sr. Koolman a splica cu e sancionnan di un siman y mey pasa, sinembargo, ta bisa cu pa Citgo Petroleum sigui financia e proyecto di Aruba, inclui e operacion, mester haya autorizacion pasobra nan no ta autoriza pa saca e placa di Citgo Petroleum mande pa Citgo Aruba Holding.

Esey a haci cu for di siman pasa RDA, Citgo Petroleum y gobierno di Aruba ta deliberando pa ta sigur cu Aruba lo haya e fondonan necesario pa sigui e operacion.

Sr. Koolman a incica cu nan a haya autorizacion for di prome cu e cambionan a tuma lugar, pa seis luna mas di operacion pa caba e proyecto su fase 2, cu ta haci necesario pa pidi fianza. Aña pasa a anuncia cu e ta dura seis luna y mester bin bisa cuanto e proyecto ta bay costa prome cu bay fia e placa. Actualmente e suma cu nan ta papiando di dje ta 800 milyon pa e refineria y 375 milyon pa e linea di gas.

"Pero door cu e Regimen Maduro ta bao dje y PDVSA y CITGO, ta dificil pa haya esey, y nos tur tambe sa cu una bez cu bin un cambio, e proyecto aki cu ta un di e proyectonan di mas importante pa Venezuela y tambe pa Aruba y esey nos ta bezig hunto cu gobierno y un grupo di Venezuela den e parti di transicion, ta bezig ta papiando pa asegura cu esaki ta e caso", sr. Koolman a subraya.